

西域总志

上

西城志

序

三代以前西域不通中國自漢武好大喜功開張掖酒泉諸郡又使張騫尋河源直至崑崙厥後班超使西域以三十六人威服五十餘國遂命為都護以鎮之而西域始通于中國矣後歷唐宋元明亦皆羈縻勿絕然考之歷史其所載紀不過十分之半耳且有所聞異詞所見異詞者及我

朝定鼎文德武功度越前代至

高宗純皇帝西域節次多事爰整其旅掃除醜類拓地萬有餘

里盡歸版圖設官置吏與中國等其他之恒威報德來請
來覲者蓋十百其耦焉事載

國史而未有專誌有椿園七十一者旂人也其學淵博其才
宏肆適為鎮廸觀察居其地覩其情且遊歷幾遍考核甚
詳凡耳目之所不及者又莫不就其來人而採訪之緣著
為異域瑣談四卷其地之軍事以及山川建置疆域道里
人風物產新疆外藩無不臚列明確瞭若指掌洵為西域
不可少之書也余于幕友李君頴笙處得其抄本批覽一
過不禁喟然而嘆曰井蛙不可語于海者拘於壚也夏虫

不可語于冰者篤於時也莊生之言信哉凡人生居中土
見聞不長安知雪山星宿海之鉅有更大於五嶽四瀆者
乎安知控噶爾鄂羅斯之廣有更大於中國九州者乎安
知壓油之鳥長角之羊雪中之蓮湧泉之柳有為中國禽
獸草木之所絕無者乎且安知我

朝功德所被有如是之宏遠無涯者乎則是書也可以擴歷
代之紀而証其訛可以補

國史之缺而觀其備並可以發俗士之覆而知天地之大全
也即與十八省之通誌並垂不朽可也其以瑣談名者特

謙詞耳其談也實誌也余因易為西域總誌云時嘉慶八
年五月上瀚汶江周宅仁叙于甘肅西和官署

原序

地在天之中彈丸耳中原在地之中一隅耳約之郡邑均
之一身渺然一塵耳而目能視若或見之從目治目域於
形隔蔽之矣而耳能聞衆目所見皆可因響以得其情從
耳治余生於燕長遊於宦秦晉吳越齊楚之郊輒趾幾遍
南及嶺表東越醫無閭渡遼水而嬉壯年復西出陽關逾
河源三千餘里而居於殊異之鄉目見夥矣性復好知鄙
事耳聞且被囁然中國九州紀之典故者既確且詳而伊
吾以西不常見於簡冊列史所載証以目之所見既多齟

齟而未安意者滄桑之變人事之各不相蒙耶我

皇上神聖文武卓越前朝西陲疆域開擴萬里自古之險遠不
到兇頑負固之地莫不歸入版圖隸諸臣僕且懷

德威者徧及西海之濱爰

命帝臣緝纂圖志一時載筆之士巨構鴻裁煌々乎輝耀千古
矣然里巷鎖屑之事殊方猥鄙之情或棄擲而不言擇所
弗及而遊於其地者歸述於人非附會之失真即抑
揚之過當最足以誤聽聞余居其地最久考究最詳於是
不辭冗俚作為是編目見存矣而耳之所聞少無可據則

置之既無左氏浮誇之才敢為鄒衍荒唐之論哉

乾隆四十二年歲次丁酉十二月十有九日椿園七十一
序於復四山房

輿圖

國家平定準噶爾之地測量星野考稽古典易其名曰伊
犁曰烏魯木齊及平西域諸回部自嘉峪關外舊部若哈
密若闐展若吐爾番新疆若哈拉沙拉若庫車若阿克蘇若
烏什若喀什噶爾若葉爾羌若和闐咸入版圖均為內地
繪其大畧以見

聲教之所訖焉

外藩

哈薩克

左右部

按集延

霍罕

塔石罕

博羅爾

奇齊玉斯

布魯特

東西部

瑪爾噶朗

那木干

巴達克山

愛烏罕

烏爾根齊

王貝勒
古制相同
偉幣與蒙

西域總志目錄

第一卷

殊方風土
軍台道里表附

第二卷

西陲軍事

第三卷

新疆列傳

第四卷

外藩列傳


補繪西域圖說



椿園先生舊繪與圖底稿無存垣竊窺其志中所叙嘉
峪關自雪山起脉南北攸分若哈密巴里等處臚列可
考且載路程州縣臺站靡不燦然披覽之下不啻親履
其地第福順遼濶不及縷陳姑撮其著名最要者繪其
大畧補於篇首若外藩絕域固難普繪而與西域諸國
為屬國為錯壤者如哈塔木按集延之類亦間附一二
更徵

聲教之廣訖云

後學周培垣鎮安識



玉山

高山

外藩

温都斯坦

洋

巨澤

塞克

音

爾

葉

布魯特

罕教

伊犁

大河

冰山

烏什

布魯特

郭壁

阿克蘇

喀什噶尔

英阿祿爾

庫里巴

布古爾

哈拉沙

都河

拉沙

密哈

土魯番

沙山

燉煌縣

古沙州

嘉峪關

雪山

克食米爾

底羌雪山

車

坤廳

星宿海

葱嶺賀卜諾尔

郭璧

灰陷

河

控噶爾

哈

賽鎮宜禾縣

羅西奇台縣

安西州

玉門縣

絕

域

克薩哈

鄂羅斯

塔木


撻拉巴哈台

烏魯木齊

迪化州

昌吉縣 阜康縣 綏來縣

火焰



異域瑣談卷一

椿園七十一著

已西周宅仁汶江編輯

男培垣鎮安校訂

殊方風土

京師望北辰偏直北西域望北辰轉少北而偏西一日則見月如線而鈎地高恒星布列光燦爛如垂

春夏多風但不能揚石拔木耳桃杏李梨蘋果楊柳諸樹皆驗以風、則開花鮮豔結實茂密每風一次枝葉繁盛一次漸次濃陰鋪地矣風後綠霧淨澄如久雨新霽切不